



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Historia Sanctorum Joachim Et Annæ Geneseos, Vitæ,
Transitus Et Connexorvm**

Polius, Jacobus

Heripoli, 1652

12. Quanto tempore S. Joachim à conjuge suâ abfuerit ?

urn:nbn:de:hbz:466:1-43946

rentius ab Hansvick Capucinus *Cornucopia*
tom. I. enarr. 4. sect. 34.

4. Appositè scopo nostro inserviunt à Bivero^k tradita: *Habet suas horas Deus, in quibus conseruat favores, si anticipata obsequia eam habent virtutem, ut in ipsorum gratiam Deus anticipe horam favorum.* De ordine conceptæ Virginis, loquetur §. 14. de occursu mutuo ad portam auream tractans: locum intimabit part. 2. quest. 22.

^k Biver. diss. 3. n. 50.

*Quanto tempore Joachim ab Anna
abfuerit? §. 12.*

DE quinque mensium absentiâ superius descriptâ testimonium tulerunt Breviarium Rom. anno 1520. Parif. editum Lect. 6. in festo S. Joachim, & aliud Rom. anno 1533. Parif. proculsum lect. 7. in festo S. Annæ. Breviarium Moguntinum anno 1509. editum lect. 4. Leodiense anno 1522. Parisiis invulgatum lect. 5. de S. Anna. Hermannus Nitzsche witz pag. 3. textus psalterii B. Virginis: Joannes Baptista Mantuanus principio lib. 2. parthenices, Trithemius de miraculis B. Annæ c. 3. Amandus Xirixiensis Legenda c. 3. Joannes Royardus hom. 1. in nat B. Virg. Passionale Saxonicum in festo S. Annæ: Petrus Dorlandus lib. 1. c. 6. vita S. Annæ. Rudolphus Agricola versu 95. Anonymus Batavus: Judocus Badius Ascensius Compendii vita S. Annæ c. 4. Historia vita Salvatoris Gallica anno 1585. Lundini

gduni per Joannem Philemotte procura: Jacobus Feuchtius serm. 1. de concept. & Hesselbach serm. 10. de concept. Fontem & originem hujus traditionis, opinamur historiam primævam quæ periit, historiam duodecim tribuum, quam hactenus videre non licuit & epistolam Cyrilli, de quibus parte 2.q. 11.n.3. plenius.

2. Joachimus Peronius natione Gallus, patria Cormariacenus, ante centum annos Monasterii S. Pauli apud Cormariacum, Ordinis S. Benedicti, Congregationis Cluniacensis monachus, cuius, teste Wion^a, in rem literariam beneficia, adeò magna sunt, ut omnem humanam mentem excedant. Is^b principio vitae B. Virg. de ejusdem parentibus hæc scribit: *Illi angeli precepto parentiter aggrediuntur, ad portam auream perveniunt, mutuo amplexu & aspectu se recreant, una revertuntur, quæ ab angelo didicerant, cum summa voluptate vicissim exponunt: Anna nec ita multo post (neque enim plures duodecim inter absentiam & conceptum interfuerunt dies) concepit Mariam, exactisque novem mensibus peperit.* Hæc ibi:

3. Circa quantitatem temporis, quo S. Joachim in templo rejectus, mox à suâ conjugé Annâ sequestratus & elongatus extitit, duas dispares traditiones ex præmissis hausimus. Nullū certum tempus determinavit Hieronymus de ortu virginis. Prior opinio de quinque mensibus in an-

E 3 tiqui-

^a VVion ligni vitæ l.5.c.100. ^b Perin. c.4. vitæ B. Virg.

tiquitatem & pluralitatem auctorum fundata, etiam per rationes probabilis demonstratur infra p. 2. q. 13. & seqq. Nec tamen prorsus rejicienda videtur posterior, in quâ doctissimus vir Perionius, qui à festo Encæniorum (25. Novembris) usquè ad festum Conceptæ Virg. dies numerat duodecim, Prudens Lector æquâ lance ponderet singularia atquè quod sibi videbitur magis consentaneum eligat: siquidem non pio voluntatis selectu, aut complacentiâ propriâ, opiniones amplectimur aut fastidimus, cum in omni seriâ doctrinâ, veritas (quæ omnis à Deo est) ducatum præbere debeat.

Angeli apparitio & promissio SS. Conjugibus facta. §. 13.

Historiam ulterius S. Antoninus hoc complexu verborum prosequitur: *Verum cum (Joachim) ibi aliquamdiu esset precibus & jejunii intentus, quâdam die (non apud caulas sed) cum esset solus, Angelus Domini cum immenso lumine astitit & cum ad visionem turbaretur, Angelus timorem eius compescuit dicens: Noli timere Joachim, neque in visione mei turberis; Sun enim angelus Domini missus ab ipso ad te, ut annunciem tibi preces tuas esse exauditas & eleemosinas tuas advenisse in conspectum eius: videns quippe vidit pudorem tuum, & audivit sterilitatis opprobrium non recte tibi objectum: peccati namquæ, non natura, ultor est Deus &c. generabis filiam & nomen eius.*